



Broj: 05/1-50-13-26-34-3/17
Sarajevo, 3.7.2017.

ZAPISNIK

34. sjednice Nezavisnog odbora Parlamentarne skupštine BiH

Sjednica je održana 3.7.2017., s početkom u 17 sati.

Sjednicu je sazvaio Enes Obralijski, prvi zamjenik predsjednika Nezavisnog odbora.

PRISUTNI ČLANOVI NEZAVISNOG ODBORA: Enes Obralijski, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić i Ljubomir Kuravica.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu je pratio i Zoran Brkić iz Sektora za odnose s javnošću Sekretarijata Parlamentarne skupštine BiH.

Sjednicom je predsjedavao prvi zamjenik predsjednika Nezavisnog odbora Enes Obralijski.

Konstatirajući da postoji kvorum za rad, otvorio je 34. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 33. sjednice Nezavisnog odbora;
2. Razmatranje izmjena i dopuna Poslovnika o radu Nezavisnog odbora kao nezavisnog tijela policijske strukture Bosne i Hercegovine;
3. Tekuća pitanja

Ad.1. Usvajanje Zapisnika 33. sjednice Nezavisnog odbora

U okviru ove tačke dnevnog reda za riječ se javio Ljubomir Kuravica, član Nezavisnog odbora, koji je iskazao potrebu da se u Zapisniku 33. sjednice, u okviru tačke 2. Razmatranje Izvještaja o radu Direkcije za koordinaciju policijskih tijela BiH za 2016. godinu i Program rada Direkcije za koordinaciju policijskih tijela BiH za 2017. godinu, materijal broj: 20-06/1-07-1-524-2/17, od 21.3.2017., a zaprimljen u Pisarnici Parlamentarne skupštine BiH 22.3.2017., broj: 05/1-50-13-26-30-5/17, preciznije obrade određene teme razgovora s rukovodstvom Direkcije za koordinaciju policijskih tijela BiH, nakon čega je uslijedila otvorena rasprava. Nakon rasprave, prvi zamjenik predsjednika Enes Obralića predložio je da se obave posjete policijskim agencijama BiH s ciljem realizacije planskih aktivnosti Nezavisnog odbora, a i kako bi se prilikom posjete otklonile bilo kakve dileme u pogledu otvorenih pitanja. Dogovoreno je da će se usvajanje Zapisnika 33. sjednice prolongirati za narednu sjednicu.

Ad.2. Razmatranje izmjena i dopuna Poslovnika o radu Nezavisnog odbora kao nezavisnog tijela policijske strukture Bosne i Hercegovine

U uvodu u ovu tačku dnevnog reda prvi zamjenik predsjednika Nezavisnog odbora Enes Obralić naglasio je da smatra kako je neophodno otvoriti pitanje eventualne intervencije u pogledu normative kojim je osnovano ovo tijelo i regulirane njegove nadležnosti, tj. izmjene i dopune Poslovnika o radu Nezavisnog odbora, a možda čak i izmjene i dopune Zakona o nezavisnim i nadzornim tijelima BiH, nakon čega je otvorio raspravu. U raspravi o ovom pitanju učestvovala je većina članova Nezavisnog odbora nakon čega su jednoglasno donijeli

ZAKLJUČAK

Nezavisni odbor će u narednom periodu razmatrati i predložiti izmjene i dopune Poslovnika o radu Nezavisnog odbora kao nezavisnog tijela policijske strukture BiH u pogledu rješavanja određenih pitanja koja ne budu riješena Zakonom o policijskim službenicima BiH te ga uputiti u daljnju parlamentarnu proceduru.

Ad.3. Tekuća pitanja

U okviru ove tačke dnevnog reda dogovoreno je da članovi Nezavisnog odbora u narednom periodu, do sljedeće sjednice, posjete policijske agencije iz njihove nadležnosti: Direkciju za koordinaciju policijskih tijela BiH, Državnu agenciju za istrage i zaštitu te Graničnu policiju BiH.

Također, dogovoreno je da se sljedeća sjednica Nezavisnog odbora održi 28.8.2017., u 17 sati.

Prvi zamjenik predsjednika Nezavisnog odbora Enes Obralića zaključio je sjednicu u 18,45 sati.

**SEKRETAR
NEZAVISNOG ODBORA**

Ivana Lovrić

**PRVI ZAMJENIK PREDSJEDNIKA
NEZAVISNOG ODBORA**

Enes Obralića